

Publicaziuns officialas dils 17 da matg 2024

Vischnaunca Trun

Damondas da baghegiar

Datum da publicaziun: 17-05-2024

Petent: STWEG Via Plaun 4, Mario Albin, Via Plaun 4, 7166 Trun
Representanza: IVF WIEDENSOHLER ARCH GMBH, Poststrasse 3, 7000 Chur
Object: Montascha d'indrezs fotovoltaics vid ils balcon e construcziun d'in niev
tgamin sin parcella 2420 a Campliun.
Zona: Zona d'adattaziun al vitg (VA)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Annunzias da baghegiar

L'istanza da baghegiar ha lubiu suandontas annunzias da baghegiar sin fundament digl art. 40 dall'ordinaziun davart la planisaziun dil territori dil cantun Grischun (OPTGR) ni sin fundament digl art. 32a dall'ordinaziun federala davart la planisaziun dil territori (OPT):

- Nr. 50/23, Oвра electrica Ferrera Trun SA, montascha da dus agregats, parcella 2800
- Nr. 51/23, Furrer Rea, montascha d'in indrez fotovoltaic sil tetg, parcella 6295
- Nr. 52/23, Demont Egon, Demont Graziella, montascha da treis cazzolas vid las fatschadas e nova coluraziun dallas fatschadas (grisch), parcella 578
- Nr. 01/24, Basbayandur Hasan, remplazzament da finiastras (Dulezi), parcella 2708
- Nr. 03/24, Serenera Zavragia, montascha d'in indrez fotovoltaic sil tetg e vid la fatschada, parcella 2755
- Nr. 04/23, Monard Fabien, sanaziun dils fundaments dil clavau, parcella 6249
- Nr. 05/24, Lutz-Demund Maria, remplazzament digl esch nuegl e clavau, parcella 4026
- Nr. 06/24, Held Reto e Fischbacher Claudia, remplazzament dil tetg casa, parcellas 6298 e 6470
- Nr. 07/24, Repower AG, remplazzament d'ina cabina da distribuziun, parcella 2414
- Nr. 08/24, Pfister Clemens, montascha d'in indrez fotovoltaic sil tetg casa, remplazzament digl indrez fotovoltaic sil tetg dil baghetg annex, parcella 6388
- Nr. 09/23, Demont Rafael, montar ina casa da termagiar cun ruschnera e balla dubla, parcella 1466
- Nr. 10/24, Nay-Brändli Christoffel e Regula, remplazzament dalla porta garascha, parcella 2722

- Nr. 11/24, Alt Claudia, montar dus barcuns supplementars,
sanar la veranda avon tegia, parcella 5013
- Nr. 12/24, Demont Martin, montar dus penels da solar sin tetg, parcella 2705
- Nr. 14/24, Albin Armin, remplazzament d'in tschabergal, parcella 794
- Nr. 15/24, Bürgerin Samuel, remplazzament da finiastras e digl esch balcun, parcella 2633

Administraziun communal Trun

Serrada dalla via Nadels

Ils 15 da matg 2024 vegn puspei entschiet cun las lavurs vid la via «Uaul dallas Vallettas – Rost». La via ei serrada per tut il traffic suandontamein; a partir dils 15 da matg ei la via sut il «Rost» serrada permanent durant in meins. Sin www.trun.ch/actualitads ein da catter informaziuns a cuorta vosta davart l'accessibilitad dalla via (cliccar sil plan d'avertura). Sclariment sur dil stan dallas lavurs dat il selvicultur da revier Mattias Cadruvi (079 417 49 57). En cass urgents e motivai eis ei da prender si contact cun ils responsabels sil plazzal da construcziun, signur Placi Flepp (079 406 74 16) e signur Roger Ammann (079 433 68 28). Bien engraziament per la capientscha:

*Vischnaunca Trun, Berther SA, Ribbert SA
Uffeci d'uaul e prighels da natira*

Serrada d'ina part dalla via Pustget

Naven da mardis, ils 21 da matg 2024 vegn entschiet cun las lavurs dalla cuvrada fina dalla via Pustget. Quellas cuozzan prevedentamein entochen ils 23 da matg 2024. La via sto vegnir serrada durant quei temps. Convischinas e convischins che habiteschan el territori dalla sanaziun vegnan contactai directamein entras il menaschi tecnic pertuccont igl access a lur casadas. Per damondas supplichein nus da contactar Albert Spescha (081 920 20 45). Nus supplichein da prender enconuschientscha ed engraziein per la capientscha.

Suprastonza communal Trun

Elecziun supplementara per la suprastanza communal

Suenter l'abdicaziun anticipada da geraua Erica Cavegn-Pfister ha la suprastanza communal ordinau ina elecziun supplementara per il rest dalla perioda d'uffeci 2024-2026. Il datum per l'elecziun era vegnius fixaus sin ils 9 da zercladur 2024. Il termin per inoltrar propostas ei spiraus ils 9 da matg 2024. Deplorablamein ha l'administraziun communal retschert neginas propostas per candidatas ni candidats. Sin fundament da quei fatg ha la suprastanza communal decidu da spustar l'elecziun sin ils 22 da settember 2024. Il termin per inoltrar propostas per candidatas e candidats sa entras quei vegnir prolungius entochen ils 22 d'uost 2024.

Suprastanza communal Trun

Corporaziun d'aua Trun

Invitaziun alla 131. radunonza generala dalla Corporaziun d'aua Trun, venderdis, ils 24 da matg 2024 allas 19.30 el hotel Casa Tödi.

Tractandas:

1. Beinvegni
2. Elecziun da dus dumbravuschs
3. Protocol dalla 130avla radunonza generala
4. Rapport annual dil president
5. Rendaquen per 2023
6. Rapport dils revisurs ed approbaziun da quen e bilanza
7. Elecziuns:
 - president
 - surveilader da fontaunas
 - revisur da quen
8. Damonda per in credit da frs. 220'000.- pil remplazzament d'ina part dil conduct d'aua a Darvella
9. Conclus davart segirada per l'ovra electrica Punteglias
10. Varia

Tuttas commembras e commembers ein envidai cordialmein. Suenter la radunonza offerescha la Corporaziun d'aua ina tscheina.

La suprastanza

Biblioteca Trun

Di naziunal da preleger

Per il di naziunal da preleger ils 22-05-2024, prelegia Valeria Hendry ord siu cudisch «Nos gronds pignets».

Silsuenter astgeis vus aunc zambergiar cun ella.

Cordialmein envidai ein tut ils affons dil scalem primar.

Nus bibliotecaras selegrein sin vossa viseta.

Museum Cuort Ligia Grischa

Oz venderdis, ils 17 da matg allas 19.30

La Lumnezia enteifer la Ligia Grischa: in excuors culturhistoric cun Martin Cabalzar. Il referat ei cumpriu el prezi d'entrada.

Dumengia, ils 26 da matg allas 14.15.

Guida publica tras las exposiziuns Sogn Gieri 1698 e d'art GRISCH. La guida ei cumprida el prezi d'entrada.

Cordialmein envida il team dil museum

TCS- Regionalgruppe Surselva

Basel Tattoo

Mira sut Ilanz/Glion!